



Ka tar sēn yaa sānem bi wanzur soaba, sēn ka kōta Zaka, rēndame ti dūni yikr raarā b rikd-a lame n maan piisds sēn yaa Bugum sa-tuulse

Yii a Abu Hurayrat nengē (Wēnd yard be a yīnga) a yeelame: Wēnd Tēn-tuumā yeelame (Wēnd puusg A la tulgr be a yīnga): «Ka tar sēn yaa sānem bi wanzur soaba, sēn ka kōta Zaka, rēndame ti dūni yikr raarā b rikd-a lame n maan piisds sēn yaa Bugum sa-tuulse, ti b wing-a Gehannem pugē wā, n rik-a n piis a lugā la a rīirā la a poorā, a sēn maag fāa la b sēn lebsd-a, raarā woglem yaa yuum tus-pis-nu. Hal ti b wa bu yembsā ne taab suka, t'a yā a sorā, maa ti yaa arzānā maa Bugmā». Ti b yeele: Wēnd Tēn-tuumā, la yugmā wā ? La a yeel yā: «Ka yugma soab me, sēn ka yākd b hake wā, la sēn be b hake wā pugē, yaa a pēebā n kō watbā, a sā n ka maan woto, rēndame ti b gāneg-a zī-koεeng zugu, ti b nob n yud b sēn rag n yaa a soabā, biig baa a yembr ka na n paog ye, ti b tabd-a ne b na-bendā la b rūmd ne b noyā, rēnem rāmbā sā n puug n looge, la b sēn lebs b baasgā ti b le wa tab-a, raar woglem sēn yaa yuum pis-nu, yaa woto hal ti b wa bu yembsā ne taab n sε, t'a yā a sorā, maa ti yaa arzān la a na n kēng maa Bugmē». Ti b yeele: Wēnd Tēn-tuumā, la niisā la rūmsā? T'a yeele: «Ka niig soab me, ka rūms soab me, n ka kōt b hake wā, rēndame, ti dūni yikr raarā, b gāneg-a zī-koεenga, ti yul sēn kaoog soab ka be ye, ti b na n tā yēnda ne b yulā, la b na n tab yē ne b na-bendā, rēnem soabā sēn looge la b lebsd-a, raar a yembr woglemā taa yuum pis-nu, yaa woto ti b wa bu yembsā ne taab suka, t'a yā a sorā, maa arzānā maa Bugmē». Ti b yeele: Wēnd Tēn-tuumā, la wiidi wā (wed moose) la a yeel yā: «Wiidi wā yaa tāabo, a bee sēn yaa zūnuub ne neda, a leb n yaa sutra, a leb n yaa keore, la sā n yaa sēn yaa zūnuub ne nedā, yaa ned ning sēn na n loe-a maan-ti-b-yā la pugbu la tall n nams lslaambā zāma, yē soaba a yaa zūnuub ne-a. La sā n yaa ned ning sēn yaa sutr ne a soabā yaa sēn loe-a Wēnd sorā sōngr yīnga, rē poorē a ka yīm Wēnd hake wā, b ruubē wā la b mensē wā, yēnda soaba a yaa sutr ne-a. La sā n yaa ned ning a sēn yaa keoor ne-a wā, la ned ning sēn loe-b Wēnd sorā yīnga n na n kō lslaambā, t'a be ko-soodē la bāoogē, rēnd b sēn wābd bāoogē maa ko-soogē wā fāa, malegs na n gulsa yel-sōmde n kō-a b vūunā sōore, la b le guls yel-sōmd n kō-a b bīndā la b ruudmā sōore. La b ka wāagd a wīirā, yē me la wīir ninga b sēn loet ne-a wā, t'a zoe ne-a n ruug n tug n wābdē, rēndame ti Wēnd guls a kēnā vūunā la a bīndā ti yaa yel-sōmde a sōorā. A soabā sēn na n yūnug-a fāa Wēnd gulda yel-sōmd n kō-a a sēn yū wā sōore».

[Naṣun Ṣahuhun (Gom-sikdem sēn manege)] [B zemsa taab a zugu (A Al-Buḥariy la a Muslim n reeg-a)]

Nabiyaamā (Wēnd puusg la A tulgr be a yīnga) a vēnega n wilga arzekā kōbg toor-toore, la a vēneg n wīnig ned ning sēn ka kō a Zak rolbo dūni yikr raarā. La sēn be b pugē: Rēnemā :

yaa sänem la wanzuri la bũmb ning sën wõnd b yibã, sën yaa arzegse la lallgo, la bũmb ning Zak sën yaa tilae, ti b ka yãk-a n kõ, rënd sã n ta dũni yikr raarã, b yënegd-a lame n yõog-a (t'a yaa wala walse (rapegdo), ti b rik-a n wing Gehannem Bugmã puga, n rik-a n stbg a soabã ne-a, n bëes a lugã la a rĩirã la a poorã, a sën maag fãa la b sën lebgd n wing-a, tu ninsaalã kell n duum ne halhaal-kãngã sën yaa nongã, dũni wã yikri raar woglem sën ta yuum pis-nu tõre, halt ti b wa bu bõn-naandsã ne taab suka, t'a yi arzãn ned maa Bugum neda. Yib soabã: yaa yugma soab sën ka yãkd a Zak la b hake wã n kõ, la sën be a hake wã pugẽ, yaa b pẽ-ba n kõ neb nins sën na n wa sën yaa nimbaan-nebã, rënd b na n talla yugem-kãensã n wa ti b yaa beda n nobe, ti b waooglem yud b sën da yaa to-to dũnu wã. Tu b yedg-ba n sëeg-ba dũni yikr raarã, têng sën yaa yalenga n zems taaba, n gãneg a soabã beenẽ ti b tabd-a ne b nao wã la b rũmd-a ne b yẽnã, b baasgã sã n se la b sũngrã lebd n sũnge, yẽ me na n dũuma halhaal-kãngã zugu, sën yaa nongã, dũni yikr raarã woglemã zãnga, sën ta yuum pis-nu wã, halt ti Wënd wa bu nebã ne taab suka, t'a yaool n yi n yaa arzãn neda maa Bugum. Tãab soabã: yaa niis la rũms soaba -piis la buuse- soab sën ka kõta Zak sën yaa tilae n zao-a wã, b na n waa ne bãmbã ti b pidame, ti b sõorã yud a sën rag n yaa a soabã, baa fu ka boogd a pugẽ, b na n yedg-b lame n rik a soabã n lob beenẽ dũni yikr raare, n gãneg-a tẽn-yaleng zug sën yaa zĩ-peellã, niisã maa rũmsã pugẽ yul-gond ka be ye, yul sën kaog ka be, b fãa gillã yulã pidame ti b stfã pidi, ti b tã yẽnda ne b yulã la b tab-a ne b nao wã, b baasgã sã n wa tab n se la b sũngrã sën leb n sũngdẽ, n kell n duum halhaal-kãngã pugẽ, sën yaa nangã, dũni yikr raare yalsgã, woglem sën yaa yuum pis-nu wã, halt ti b wa bu bõn-naandsã ne taab suka, t'a yi arzãn neda maa Bugum neda. Tãab soabã: yaa wiidi wã tarda, la wiidi wã yaa kõbg a tãabo: Rëenemã: b yaa zũnuub ne a soabã, a sã n rik wiidã n maan maan-ti-b-yã la puglgu la tall n zab ne lslaamdã nebã. Yib soabã: b yita sutr ne a soabã, ne ned ning sën rik b n zabd ghaadi Wënd sorã pugẽ, rë poorẽ t'a maneg n zã-b sõma, n wãbne-b sõma n yik ne b yelã fãa, sën be a pugẽ, yaa a bas ti b ruudsã ruudẽ. Tãab soabã: b yita keoor ne-a, ne ned ning sën rik-b ti yaa ghaadi n na n zab Wënd sorã pugẽ, n sõng lslaamdã, la a bas-b ti be bãoogẽ la moogẽ n wãbdẽ, a ka tar sën na n wãbe, rëndame ti b guls a wãbrã sõore ti yaa keore n kõ a soabã, la b leb n guls n kõ-a b bĩndã la b ruudmã sõore ti yaa yel-sõmde, a ka tar a sën na n wãag a wĩirã n bas-b ti b zoe n këng yug n tug n wãb yamdã n gilgi, rëndame ti Wënd guls a vũunã sõorã la b bĩndã ti yaa yel-sõmde n kõ-a. B soabã ka tar a sën na n puug ne-ba kuvgẽ ti b yũ, a ka tara a sën rat n na n yũnug-ba rëndame ti Wënd guls yũubã sõor yel-sõmd n kõ-a. Rë poorẽ ti b sok Nabiyaamã (Wënd puug la A tulgr be a yĩnga) böeesã yelle, bãmb me yaa wala wiidi wã bu? Rënd a yeelame: ti buud ka sig n welg ti yaa yẽ, sã n ka Aayar-kãngã to sën paoodã, a yaa sën gũbg tũudmã la Wënd kusg kõbg toor-toore, yẽ me la Wënd koεg sën yeele: {Rënd ned ning sën wa n tuma sën paood to-to fãa, ti yaa sõma, a yãt-a lame, la ned ning sën wa n tuma ti yaa wëng to-to fãa a yẽta lame} [Azzalzala : 8], rënd ned ning sën wa n tug n tum böeesã zãabẽ, sën yaa tũudum, a yãta a yel-sõmde, la ned ning sën wa n tum a pugẽ Wënd kusgo, a yãta yẽ me stbgre, la woto gũbga tuumã gilli.

النجاة الخيرية
ALNAJAT CHARITY

